

Преподобныя Александры Дивеевския (26 июня н.ст.)

НА ВЕЛИЦЕЙ ВЕЧЕРНИ

На Господи, возвах: стихиры, глас 6:

Приидите, вернии людие,/ во святую обитель Дивеевскую,/ яже четвертый жребий Божия Матере нарицается,/ ублажим верную рабу Пресвятыя Богородицы/ Александру богомудрую,/ первоначальницу святого места сего,/ и, припадающе к ей честным и многоцелбным мощем,/ усердно помолимся:/ помяни нас, преподобная мати наша,// во Царствии Небеснем.

Приидите, вернии людие,/ во святую обитель Дивеевскую/ прославим чудную собеседницу Ангелов/ и нуждающимся помощницу скорую,/ всечестную мать Александру,/ первоначальницу святого места сего:/ та бо, Христа всем сердцем возлюбивши,/ многотрудное житие избравши, ныне во славе невечерней Ему предстоит// и молится о спасении душ наших.

О преподобная мати наша Александро,/ Божественною просветившись благодатию/ и мятёж мира отвергнувши,/ евангельски Христу последовала еси/ и молитвами Пречистой Богородице неустанно послужила еси./ Темже, и обители Ея первоначальница сущи,/ богомудрая наставница явилася еси.// Помяни нас во Царствии Небеснем.

Александро всеблаженная,/ ангельский образ восприемши,/ на земли добродетельне пожила еси/ и, храмы многия воздвигши,/ сирья, нищия и в бедах сущия николиже оставляла еси,/ ныне же, на Небесех водворившись,/ чисте зриши Святую Троицу./ Испроси нам, преподобная мати, велию милость,// да и мы всегда с Господом будем.

Многия подвиги, труды и болезни,/ блаженная Александро, явила еси,/ егда в тесней келии пред распятием Христовым,/ на камень главу полагаящи,/ со слезами нощию усердно молилася еси./ Помози и нам в покаянии истиннем житие скончати// и Царствия Небеснаго сподобитися.

Глас 7:

Надеющиеся на Господа разумют истину/ и вернии в любви пребудут Ему./ Тако и ты, богомудрая Александро,/ светом Евангелия тьму неразумия просветивши,/ истины веры православныя людем уясняла

есї/ и живонóсныя вóды любвѣ вѣрным источїла есї./ Укрепї и нас во благочѣстїи и чистотѣ пребывáти/ и моли Христа Бóга,// да спасѣт дýши нáша.

Глас 8:

Ублажа́ем тя, Алексáндро досточúдная,/ ты бо, о б́лижних попечѣние творящи,/ áлчущих мѣлостивая питáтельница,/ неvéст неимúщих благоукра́сительница/ и скóрбных тѣплая утѣшительница явѣлася есї./ Тѣмже, припадающе к ра́це мощей твоих,/ со умилѣнием прóсим тя:/ приими моли́твы нáша/ и предвари́ на по́мощь// вѣрою пáмять твою́ почита́ющим.

Слáва, глас 6:

О Алексáндро блаже́нная,/ преподóбный Серафѣм свидѣтельствова о тебѣ,/ я́ко ты есї вѣлия раба́ Бóжия,/ смире́ния высотá и любвѣ сокровище,/ и о всех тѣплая моли́твенница./ Нýне зрим тя я́ко щит крѣпок обѣтели нáшея/ протѣву стрел вра́жиих,/ заступлѣнием бо твоим иску́шения побежда́ются// и дýши нáша очища́ются.

И нýне, Богородичен, глас 6: Кто Тебѣ не ублажит:

Вход. Прокѣмен дне. И чтѣния преподóбническая.

1. Пророчества Исаина чтение.

Тако глаголет Господь: вси языцы собращася вкупе, и соберутся князи от них. Кто возвестит сїя в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, я́ко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сїце глаголет Господь Бог, избавляяй вас, Святы́й Израилев.

2. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред

лицем человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумныя. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумейте, навькните судии концев земли. Внушите держащие множества, и гордящиеся о народах язык. Яко дана есть от Господа держава вам, и сила от Вышняго.

На литіи стихіра собору Дивеевских святых, глас 1:

Блаженна еси, чудная обители Дивеевская,/ слави вси предели твой,/ стопами Пресвятыя Богородицы освященнии/ и подвиги святых прославлении,/ ихже всехвальную память совершающе,/ славословим Христа Бога, дивнаго во святых Своих,// Ему же молимся спастися душам нашим.

На стиховне стихир, глас 2.

Егда Божественный глас/ достиже тя, преподобная мати Александро,/ тогда, богатство и славу,/ и род твой оставивши,/ во обитель Флоровскую вселилася еси,/ идеже, житие жестоко поживши,/ в молитвах и трудах Господеву угодила еси./ Тем же молися Христу Богу// спасти и просветити души наша.

Стих: Дивен Бог во святых Своих, // Бог Израилев.

Егда́ благодать Божественная/ испóлни сёрдце твоё, преподóбная мáти,/ тогда́ яв́ся ти Пресвятáя Дéва,/ Цар́ица Небесé и земл́и,/ повелева́ющи град Ќиев оста́вити/ и об́итель нóвую/ во инéм мéсте устро́ити,/ да сла́вится в ней́ и́мя Христа́ Бо́га,// Егóже моли́ спасти́ и просвет́ити дýши нáша.

Стих: Честна́ пред Гóсподем// смерть преподóбных Егó.

Егда́ Мáти Бóжия яв́ся ти, преподóбная Алексáндро,/ на пут́и в пýстынь Сарóвскую/ и повелé устро́ити в Дивéеве об́итель чýдную,/ тогда́, преслáвныя глагóлы Ея́/ в сёрдце своём слагáющи/ и повелéние исполня́ющи,/ мнóгими труды́ и пóдвиги/ об́ители дóброе нача́ло положи́ла ес́и./ Тёмже моли́ся тёпле ко Гóсподу// спасти́ и просвет́ити дýши нáша.

Сла́ва, глас 4:

В честнéм прославлéнии твоём,/ преподóбная мáти Алексáндро,/ вёрныя благодáтно озаря́еши/ и недýги безмéздно врачýеши./ Тёмже, с любóвию припада́юще к ра́це мощéй тво́их,/ умíльно глагóлем:/ наста́ви ны ход́ити путём пóдвигов тво́их/ и помози́ нам благоугождáти Христу́ Бо́гу,// да причáстницы Небéснаго Цáрствия сподóбимся б́ыти.

И ны́не, Богорóдичен, глас то́йже: При́зри на молéния Тво́их раб, Всенепорóчная:

Тропа́рь, глас 5:

Преподóбная мáти Алексáндро,/ благословéние Цар́ицы Небéсныя испóлнивши,/ об́итель Дивéевскую основáла ес́и,/ в нéйже, многотрúдное житиé совершивши,/ óбраз Христо́ва смирéния яв́ила ес́и.// Тёмже помяни́ нас во Цáрствии Небéснем.

НА УТРЕНИ

По стихослóвии седа́лен, глас 4:

Всем сёрдцем тво́им, всёю душе́ю и мýслию Бо́га возлюб́ивши,/ дар благодáтных слез, мáти Алексáндро, стяжа́ла ес́и/ и пред Крестóм Христо́вым усёрдно моли́лася ес́и,/ непреста́нно в созерца́нии Гóспода пребыва́ющи./ Тёмже, иску́сная де́лательница моли́твы умныя сýщи,/

научи и нас при́сно глаго́лати:/ Го́споди, Иису́се Христé, Сы́не Бо́жий, поми́луй нас грéшных.

Сла́ва, и ны́не, Богоро́дичен:

Удиви́шася, Чи́стая, ли́цы А́нгельстии,/ ка́ко, Богоро́дица су́щи,/ во юдо́ль скорбе́й челове́ческих низхо́диши,/ и вся́кий вопль моли́твенный слы́шиши,/ и утеше́ние ми́лостивно пода́еши,/ больны́х исцеля́еши и немощны́х заступа́еши,/ Де́во Ма́ти Госпо́дня,/ Сокро́вище неисчерпа́емое благода́ти Божéственныя.

Велича́ние:

Ублажа́ем тя,/ преподо́бная ма́ти на́ша Алексáндро,/ и чтим святу́ю па́мять твою́,/ ты бо мо́лиши за нас// Христа́ Бо́га на́шего.

По полиеле́и седа́лен, глас 1:

Егда́ прибли́жися вре́мя преставле́ния твоего́, Алексáндро преподо́бная,/ тогда́ ду́хом отше́ствие твоё ко Го́споду уразуме́ла еси́/ и, моли́тву сугубу́ю со слеза́ми о оби́тели твоёй и сестра́х ея́ возне́сши,/ попече́ние о них на преподо́бнаго Серафи́ма возложи́ла еси́.

Сла́ва, и ны́не, Богоро́дичен:

Притеце́м вси, ве́рнии,/ к Небе́сней Цари́це и Ма́тери всех,/ прославля́юще Ея́ снизхожде́ние к ро́ду челове́ческому,/ и источи́м слéзы уми́ления,/ любо́вию зову́ще:/ ра́дуйся, Обра́дованная,/ ве́рных Твои́х рабо́в не оставля́ющая.

Прокі́мен, глас 4: Ді́вен Бог во святы́х Свои́х,/ Бог Изра́илев.
Стих: В це́рквах благослови́те Бо́га, Го́спода от исто́чник Изра́илевых.
Вся́кое дыха́ние: Ева́нгелие от Матфе́я, зача́ло 104.

По 50-м псалме́ стихі́ра, глас 6:

Пред отше́ствием от жити́я сего́ вре́меннаго/ в схі́му вели́кую, преподо́бная Алексáндро, облекла́ся еси́/ и, Святы́х Таи́н Христóвых приобщі́вшись,/ Каза́нскую ико́ну Пресвяты́я Богоро́дицы на пе́рси возложи́ла еси́,/ моли́тву же непреста́нную во устéх иму́щи,/ ду́шу святу́ю в ру́це Христа́ Бо́га преда́ла еси́./ Тому́ моли́ся не лишéнным и нам бы́ти// кончи́ны благи́я и насле́дия Небе́снаго.

Канѡн, глас 8.

Песнь 1

Ирмос: Поим Господеви,/ проведшему люди Своя сквозѣ Чермное море,// яко Един славно прославися.

Преподобную угóдницу и мáтерь нáшу Алексáндру,/ первоначáльницу обíтели Дивѣевскія,/ Бóжия Мáтере рабú избрáнную,/ ныне за ны на Небесѣх молящуюся,/ Господи, сподоби воспѣти разумно.

Обíтели Дивѣевскія первоначáльница явилася еси́, Алексáндро сла́вная,/ и, достóйно послушáние Пресвяты́я Богорóдицы испóлнивши,/ Небѣсное Цáрствие унаслѣдовала еси́./ Помози́ и нам добродѣтель послушáния стяжáти.

Воздержáнием дíвным и покая́нием слéзным дúшу твою́ очíстивши/ и áнгельскому жити́ю поревновáвши,/ храм Свята́го Дúха явилася еси́, преподóбная Алексáндро.

Богорóдичен: Пречíстая Богорóдице Дéво,/ пáче естества́ неизречѣнно рóждшая Присносúщенное и Пребожѣственное Сло́во,/ достóйно в пѣснях велича́ем Тя.

Песнь 3

Ирмос: Утверждѣй слóвом Небесá/ и зѣмлю основáвый на водахъ мнóгих,// утверди́ мя к пѣнию славослóвия Твоегó, Господи.

Мирскáя и тлѣнная возненавíдевши,/ плоть свою́ изнури́ла еси́, мáти Алексáндро,/ тѣмже и, моли́тву к Бóгу прísно вознося́щи,/ Тогó Еди́наго возлюбíла еси́.

Просвещѣние Дúха в сѣрдце твоѣм приѣмши, преподóбная мáти,/ лучáми добродѣтелей страстѣй мглу́ я́ве отгнала́ еси́./ Помози́ и нам от омрачѣния страстѣй избáвितися.

Твоя́ моли́твы и труды́,/ яко кади́ло благовóнное, Влады́це и Богомáтери принесла́ еси́, преподóбная,/ та́же и мнóги хра́мы Бóжия твои́м рачѣнием и пóдвиги воздвигла́ еси́./ Ны́не же вознеси́ молѣ́ние о благостоя́нии Цѣркве Рýсскія.

Богорóдичен: Утверждéние, покрóв и прибéжище/ бóди с вéрою к Тебé прибега́ющим, Дéво Богородíteльнице,/ и Бóжию Мáтерь Тя исповéдающим.

Седáлен, глас 3.

Богáтство тлénное и слáву мимотекúщую в младýх лéтех остáвивши,/ Небéсное богáтство и слáву вéчную восприя́ла есí, преподóбная Алексáндро./ Тéмже блажím святóе твоé преставлénие и умíльно вопи́ем:/ помяни́ нас у Престо́ла Бóжия, мáти честнáя.

Слáва, и ны́не, Богорóдичен:

Яже рáдости приéмшая исполнénие,/ приими́ от нас, рабóв Твои́х, целовáние Архáнгелово:/ рáдуйся, Рáдость мíру рóждшая,/ рáдуйся, Мáнно Небéсная, Хлéбом жízни нас напитáвшая,/ рáдуйся, Царíце, в жена́х благословénная.

Песнь 4

Ирмóс: Тáйно прорóк предзрý от Дéвы Тя, Сло́ве, воплоща́ема,/ пéсненно вопия́ше:// слáва síле Твоéй, Гóсподи.

Огнём любвé Бóжия тёрние страстéй попалíвши,/ глаго́лы дíвныя Пресвяты́я Богорóдицы о четвёртом Ея́ жрёбии во вселénней услýшати сподóбилася есí./ Тéмже и обíтель Дивеевскую воздвígла есí.

Насаждéна в домý Бóжия Мáтере бýвши,/ я́ко цвёты крáсныя, мнóгия добродéтели израстíла есí/ и, во основáние обíтели кáмень вéры положíвши,/ мнóгим йнокиням путь во обíтели Небéсныя указáла есí.

Жезлóм добродéтельныя твоея́ жízни/ мнóгия дýши в Цáрствие Небéсное упрáвила есí, мáти Алексáндро,/ помози́ и нам добродéтели евангельския стяжáти/ и жízни блажénныя вкúпе со всёми святы́ми достíгнути.

Богорóдичен: Ты есí, Благáя, вёрным утверждéние,/ от лýтых избавлénие и просвещénие душ нáших,/ и обíтели Дивеевской стенá и ограждénие.

Песнь 5

Ирмос: Утреннююще, вопиём Ти:/ Господи, спаси ны,/ Ты бо еси Бог наш,// разве Тебе, иного не ве́мы.

Тесный путь паче пространнаго предпочла еси/ и, радуящися, многия труды и болезни претерпела еси, преподобная Александро./ Укрепи и ны во обстояниих житейских молитвами твоими.

В пении и пощениих, молитвах же и бдениих поживши, преподобная,/ Христу уневестила еси/ и образ иноческаго жития/ сестрам обители Дивеевския явила еси.

Житие твоё праведно и преподобно бысть, Александро блаженная,/ темже, сугубаго подвига взыскаючи,/ великую схиму пред кончиною прияти сподобилася еси.

Богородичен: От всякаго прилога противна и скорби,/ и от враг лютых рабы Твоя свободи, Всенепорочная,/ Ты бо державное Представительство стяжашом.

Песнь 6

Ирмос: Ризу мне подаждь светлу,/ одейся светом, яко ризою,// Многомилостиве Христэ Боже наш.

Славу рода твоего презревши/ и заповеди евангельския ревностне исполнивши, преподобная,/ Христа ради обнищала еси/ и многими добродетельми обогатилася еси.

Великаго подвижника Саровскаго/ в юнем иеродиаконе Серафиме предузрела еси, Александро мудрая,/ и попечение о обители Дивеевской на него возложила еси./ Помозите и нам, святии угодницы, наследники Царствия Небеснаго быти.

По вся дни и нощи Богу благоугождаючи,/ в час кончины твоея Святая Тайны Христовы восприяла еси./ Вознеси, преподобная матери, теплыя молитвы и о нас ко Господу,/ да христианскую кончину улучшить сподобимся.

Богорóдичен: Палáта Царя́ Сла́вы и Престо́л огнезра́чный была́ еси́,
Де́во,/ Херуви́м превы́шши и Серафи́м сла́внейши,/ те́мже вся́кое дыха́ние
сла́вит Тя,/ я́ко Ма́терь Христа́, Бо́га на́шего.

Конда́к, глас 3:

Воспойм днесъ, ве́рнии,/ преподо́бную ма́терь на́шу Алексáндру,/
дívнаго уде́ла Пресвяты́я Богорóдицы первонача́льницу,/ да ея́
моли́твами и предста́тельством Пречи́стия Де́вы// Госпо́дь пода́ст
нам грехо́в прощ́ение и ве́лию ми́лость.

Йкос:

Кто дово́лен досто́йно воспéти труды́ и болéзни,/ по́двиги и пощ́ения
твоя́, преподо́бная ма́ти Алексáндро?/ Обáче благоприя́тными тво́ими к
Бо́гу моли́твами/ пода́ждь нам ны́не благода́ть Свята́го Ду́ха,/ да
просла́вим терпéние и смире́ние твоя́/ и любóвь нелицеме́рную воспоём,/
и́миже врага́ всезлóбнаго посра́мила еси́./ Те́мже моли́ся ко Го́споду/
дарова́ти нам грехо́в прощ́ение и ве́лию ми́лость.

Песнь 7

Ирмо́с: В нача́ле зéмлю основа́вый/ и Небеса́ Сло́вом утверди́вый,//
благослове́н еси́ во ве́ки, Го́споди Бо́же оте́ц на́ших.

Путéм шéствующи, вводя́щим в Божéственный поко́й,/ уклони́лася
еси́ се́тей дéмонских, блаже́нная./ Те́мже, Божéственной благода́тию
покрывáема, вопия́ла еси́:/ благослове́н еси́, Бо́же оте́ц на́ших.

Повелéние Цари́цы Небе́сныя исполня́ющи/ и чу́дную оби́тель Ея́
созида́ющи,/ вы́ну в моли́тве пребыва́ла еси́, вопию́щи:/ благослове́н еси́,
Бо́же оте́ц на́ших.

Ка́мень под главу́ твою́ полага́ющи и слез то́ки пролива́ющи,/
жесто́кое житиé провожда́ла еси́, преподо́бная,/ и в ра́дости духо́вней
воспева́ла еси́:/ благослове́н еси́, Го́споди Бо́же оте́ц на́ших.

Богорóдичен: Вся светонóсна еси́, Де́во, Свет незаходи́мый приéмши,/
и просвещáеши, Чи́стая, ве́рою Тебе́ вопию́щих:/ благослове́н, Пречи́стая,
Плод чре́ва Твоего́.

Песнь 8

Ирмós: Безначальнаго Царя славы,/ Егóже трепещут Небёсныя síлы,/ пойте, священницы,// лю́дие, превозносите во вся вéки.

Мученице царице Алексáндре поревновáла еси́, богомúдрая,/ и жизнь твою́ в рúце Бóжии предалá еси́,/ то́чию Еди́наго Христа́ веду́щи и Сего́ распя́та,/ пою́щи Егó во вся вéки.

Дар моли́твы чистыя, смире́ние и любóвь соверше́нную имéла еси́, богоблаже́нная./ Моли́ся и нам в добродéтели сия́ облещися/ и Гóспода воспева́ти во вся вéки.

Заповедем Христо́вым поревновáвши,/ ни́щия, си́рыя и младе́нцы николи́же в бедé оставля́ла еси́, досточúдная,/ те́мже всели́лася еси́ во обители Небёсныя,/ иде́же с ли́ки жен честных Гóспода прославляеши во вся вéки.

Богорóдичен: Все упова́ние моё на Тя возложих, Влады́чице,/ не íмам бо ины́я по́мощи разве Тебе́./ Те́мже пода́ждь ми богáтую Твою́ ми́лость.

Песнь 9

Ирмós: Невидимаго зра́ком Божéственным приёмшая,/ Неискусобра́чная Дéво и Ма́ти,// пёсньми Рожде́ство Твоё велича́ем.

Яко вéлию в жена́х и избрáнницу Ма́тере Бóжия,/ открý ты Бог преподо́бному Серафíму,/ íже и яви́ сугубое попече́ние о обители Дивеевской./ Те́мже кúпно с ним моли́ся о ча́дех твои́х, блаже́нная.

Пред кончи́ною твоёю, ма́ти преподо́бная,/ о́браз Казáнския ико́ны Пресвяты́я Богорóдицы на пёрси тво́я возложи́ла еси́/ и та́ко с ми́ром ду́шу твою́ Бо́гу предалá еси́.

Моли́ милостиваго Бо́га, преподо́бная ма́ти на́ша Алексáндро,/ я́ко дерзнове́ние к Нему́ иму́щая,/ да и мы с тобо́ю сподо́бимся сла́вити Егó во Ца́рствии Небёснем.

Богорóдичен: Спаси́, Пречи́стая Влады́чице, к Тебе́ прибега́ющия от бе́ды и напа́стей,/ от греха́ и бу́ри страсте́й плотских,/ от волне́ний и обстоя́ний житёйских,/ и бу́дущаго осужде́ния.

Светілен:

Егда́ ўбо честны́я мо́щи твоя́, преподо́бная ма́ти Алексáндро,
обретóшася,/ тогда́ благоухáние из грóба твоегó изы́де и благодáть вéлия
яв́ися,/ недúги исцеля́ющи и дúхи лука́выя отгоня́ющи.

Сла́ва, и ны́не, Богоро́дичен:

Сла́во вселénныя, Пресла́вная Дéво,/ Бóга Пресла́внаго сла́вно
ро́ждшая,/ сла́вы сподо́би Божéственныя,/ я́ко Богоро́дицу пр́сно Тя
сла́влящия.

На хвалíteх стихíры, глас 5.

Ра́дуйся, ма́ти Алексáндро,/ звездó пресвётлая от Дивее́ва
возсия́вшая/ и Росси́йскую странú благода́тно озарíвшая!/ Ра́дуйся,
сла́вная подви́жнице,/ дрéвним богоно́сным отце́м уподо́бившаяся,/ дúшу
твою́ дом Дúха Свята́го соде́лавшая,/ хра́мы Бóжия и обíteль и́нокням
воздв́игшая!/ Моли́ся мир мíрови дарова́ти// и душáм нáшим вéлию
мíлость.

Ра́дуйся, предста́тельнице нáша,/ преподо́бная ма́ти Алексáндро!/
Ускори́ на по́мощь нам, немощны́м и сýрым,/ и вознеси́ святы́я моли́твы
твоя́ ко Го́споду,/ да́нною же ти от Него́ благода́тию/ недúги нáша
душéвныя и телéсныя исцели́,/ мíрови мир дарова́ти испроси́// и душáм
нáшим вéлию мíлость.

Ра́дуйся, преподо́бная ма́ти Алексáндро!/ Первонача́льнице обíteли
Дивее́вския,/ сосúде благода́ти Бóжия/ и избрáннице Цари́цы Небéсныя./
Ра́дуйся, боля́щих исцелéние,/ малодúшных укреплéние,/ заблúждших
путеводи́тельнице,/ мона́шествующих богомúдрая наста́внице!/ Помяни́ и
нас в моли́твах твои́х ко Го́споду,// прося́щи душáм нáшим вéлию
мíлость.

Ра́дуйся, богомúдрая ма́ти Алексáндро,/ вéлия в жена́х и преподо́бных
красотó!/ Восхваля́ем смире́ние твоё/ и любóвь ко всем нелицеме́рную,/
и́миже благода́ть Свята́го Дúха стяжа́ла еси́./ Тёмже честnúю па́мять твою́
соверша́ющим/ пода́ждь да́ры целéбныя/ и моли́ Христа́ Бóга/ мир мíрови
дарова́ти// и душáм нáшим вéлию мíлость.

Сла́ва, глас 3:

Преподо́бная ма́ти Алекса́ндро,/ кто испове́сть по́двиги многотру́днаго жити́я твоего́/ и ми́лости Бо́жия, чрез тя явле́нныя, кто исчи́слит?/ Мы же, избра́нницу тя Пречи́стыя Богоро́дицы ве́дуще/ и на дерзнове́ние твоё пред Бо́гом упова́юще,/ во умиле́нии серде́чном зове́м ти:/ о, преподо́бная ма́ти на́ша!/ Помоли́ся за ны// и помяни́ нас во Ца́рствии Небе́снем.

И ны́не, Богоро́дичен, глас то́йже:

Без се́мене зачала́ еси́ от Ду́ха Свята́го/ и родила еси́ Сына Бо́жия,/ сего́ ра́ди, славосло́вяще, воспева́ем Ти:// ра́дуйся, Пресвята́я Де́во.

Славосло́вие вели́кое и отпу́ст.

НА ЛИТУРГИИ

Блаже́нны от канона, пе́сни 3-я и 6-я. Проки́мен, глас 4: Дивен Бог во святы́х Свои́х,// Бог Изра́илев. Стих: В це́рквах благослови́те Бо́га, Го́спода от исто́чник Изра́илевых. Апосто́л к Гала́том, зача́ло 208. Аллилу́ия, глас 1: Терпя́ потерпе́х Го́спода, и внят ми, и услы́ша моли́тву мою́. Ева́нгелие от Матфе́я, зача́ло 104. Прича́стен: В па́мь вѣ́чную бу́дет пра́ведник, от слуха́ зла не убои́тся.

Моли́тва

О свята́я уго́днице Бо́жия, преподо́бная ма́ти Алекса́ндро! Приими́ недосто́йныя моли́твы на́ша, с ве́рою и любо́вию к тебе́ возно́симыя, и помози́ нам христиа́нския добродѣтели стяжа́ти, ве́ру кре́пкую и любо́вь к Бо́гу и бли́жним имѣти, крест скорбе́й и боле́зней с терпе́нием носи́ти. О блаже́нная ма́ти на́ша! Мно́гими труды́ и по́двиги благода́ть у Бо́га обрѣ́тши, помяни́ нас во Ца́рствии Небе́снем, помолѣ́ся за нас, да твои́ми моли́твами спаса́еми в ны́нешнем ве́це, и в бу́дущем удосто́имся хвали́ти и воспева́ти всесвято́е и́мя Отца́, и Сы́на, и Свята́го Ду́ха, во ве́ки веко́в. Ами́нь.